



**ZADRUŽNI SAVEZ FEDERACIJE  
BOSNE I HERCEGOVINE**

Broj :        / 07  
Sarajevo , 20.02. 2007. godine

**IZVJEŠTAJ O RADU  
ZADRUŽNOG SAVEZA FEDERACIJE B I H  
ZA PERIOD OD 01.01.2006. DO 31.12.2006. GODINE**

**SARAJEVO: FEBRUAR/VELJAČA 2007. GODINE**

Skupština Zadružnog saveza Federacije BiH na sjednici održanoj 12.04.2006.godine. usvojila je okvirni program rada za 2006 godinu. Okvirni program se sastojao od šest osnovnih grupa, poslova i radnih zadataka.

1. Razvoj zadrugarstva i zadružne saradnje
2. Poslovna politika i aktivnosti saveza
3. Saradnja sa državnim organima
4. Informacije i edukacija kadrova
5. Organizaciono- normativna djelatnost
6. Aktivnosti i saradnja na međunarodnom planu

## **RAD ORGANA SAVEZA**

U realizaciji plana i programa rada Zadružnog saveza Federacije BiH za 2006.godinu svoj puni doprinos dali su i organi Saveza.

Svojim konstruktivnim djelovanjem i donošenjem ispravnih odluka doprinijeli su da Savez izađe iz vrlo teške situacije u kojoj se našao.

Upravni odbor je u 2006.godini održao četiri sjednice.

Na prvoj proširenoj sjednici koja je održana zajedno sa Nadzornim odborom i predsjednikom Skupštine donešene su odluke koje su doprinijele stabilizaciji stanja u Savezu i omogućile brže usaglašavanje Saveza sa Opštim zakonom o zadrugama BiH.

Na drugoj sjednici Upravni odbor je utvrdio prijedlog dokumenata za Redovnu izvještajnu Skupštinu.

Posle raspisanog konkursa Upravni odbor je na svojoj sjednici u maju 2006.godine postavio v.d. predsjednika Zadružnog saveza Federacije BiH.

Osim ovih aktivnosti Upravni odbor se na svojim sjednicama bavio temama iz okvirnog plana rada Saveza za 2006.godinu, jačanju zadružne revizije kao i popravljanjem ukupnog ambijenta za rad zadruga i Zadružnog saveza Federacije.

Svoj doprinos u radu Upravnog odbora dali su svi članovi Upravnog odbora, izuzev Steva Radoševića i Žarka Brkića čiji je angažman izostao iz zdravstvenih razloga i geografske udaljenosti.

Pored rada u sjednicama, neki članovi Upravnog i Nadzornog odbora su zajedno sa v.d. predsjednikom sačinjavali delegaciju Saveza u posjetama Federalnom ministarstvu p, v i š, nekim Kantonalnim ministarstvima i međunarodnim organizacijama.

Kao rezultat takvih aktivnosti Savez je postao partner Ministarstvu p, v i š, što se vidi iz pozicije Saveza u Upustvu za ostvarivanje poticaja u 2007.godini.

Pojedini članovi organa upravljanja su učestvovali na seminarima, okruglim stolovima, radionicama itd, o čemu su redovno izvještavali na sjednicama organa.

Nadzorni odbor je u okviru svojih nadležnosti vršio kontrolu materijalno-finansijskog poslovanja Saveza i o tome redovno izvještavao Upravni odbor i Skupštinu.

Članovi organa upravljanja su i svojim čestim međusobnim kontaktima doprinijeli efikasnijem radu Saveza.

I pored evidentnih rezultata moramo reći da su organi Saveza sigurno mogli i više i bolje. Shvatajući ozbiljnost teške situacije u kojoj se nalazi naše zadrugarstvo moramo svi uložiti mnogo više energije i zajedništva u ostvarivanju zajedničkog nam cilja a to je stvaranje što povoljnijeg ambijenta za rad zadružnog sektora.

## **REALIZACIJA RADNIH ZADATAKA**

Došlo je do pomaka u edukaciji i informisanja članstva. Po ovom pitanju u saradnji sa međunarodnom organizacijom **WORD VISION** urađena je WEB stranica. USAID LAMP je organizovao seminare za zadrugе i Zadružni savez. Saradnje sa ovom organizacijom je na visokom nivou.

Postoje neke ideje da bi se počeo štampati list Zadrugar. Savez će u narednom periodu raditi na ovom projektu.

Saradnja sa državnim organima je na zavidnom nivou, uz tendenciju još bolje saradnje. Ostvareni su dobri kontakti sa ministarstvom Poljoprivrede, vodoprivrede i šumarstva, Privrednom komorom Federacije BiH, nekim kantonalnim ministarstvima, Poljoprivrednim fakultetom i poljoprivrednim zavodima. Sa ovim institucijama Zadružni savez ima jednom sedmično razgovore. Sve ove institucije su prepoznale Savez kao partnera i jaku kariku u razvoju zadrugarstva.

Uspostavljen je i niz kontakata sa novim međunarodnim organizacijama, a ostvarena je bolja saradnja sa organizacijama koje su do sada radile sa Savezom.

To su prije svega: CHF, USAID LAMP, CARITAS, GTZ, IOCC, NEŠTO VIŠE, WORLD VISION.

## **WORD VISION**

Sa ovom organizacijom je uspostavljen kontakt i odmah je dogovorena pomoć u izradi WEB stranice. Članice ZSFBiH mogu se besplatno oglašavati na ovoj stranici. Dogovoreno je da sa zajedničkim projektima poboljšamo stanje u zadrugarstvu.

## **CHF**

Ova organizacija donirala je kompjuter Zadružnom savezu. U njoj organizaciji održan je sastanak sa kongresmenkom iz bivše vlade Bila Klinton. Održani su sastanci u ministarstvu P, v i š, parlamentu federacije i privrednoj komori Federacije BiH. Na svim ovim sastancima Savez je promovisao svoje planove i buduće aktivnosti Saveza. U 2007.g. ova organizacija će potpisati ugovor o saradnji sa Zadružnim savezom. Obećali su pomoć u pravljenju baze podataka.

## **USAID LAMP**

Ova organizacija vrše edukaciju zadružnih revizora koja je u toku. Održala je niz treninga i edukacija za zadruge kao i za Zadružni savez FBiH. U stalnom su kontaktu sa Savezom i zajednički nastupamo prema državnim institucijama. Dogovorena je donacija dva laptopa, projektor i aparat za Savez.

## **GTZ**

Ova organizacija vodi aktivnosti oko problema zadružne imovine. Sa njima su u kontaktu više predstavnici Zadružnog saveza BiH, ali je dobrom mjerom uključen i Zadružni savez Federacije BiH. Neki pomaci su napravljeni. Ministarstvo pravde je poslalo tumačenje člana 94.Zakona o zadrugama BiH kantonalnim i općinskim sudovima ,sa kojim su upoznate i zadruge.

## **NEŠTO VIŠE**

Ova organizacija je donirala fax za Zadružni savez i platila je troškove usaglašena Saveza.

## **IOCC**

Sa ovom organizacijom su uspostavljeni kontakti preko seminara, a kasnije su bili i direktni kontakti. IOCC ima planove da sarađuje sa Savezom, ali nismo još odredili konkretne planove.

## **SIDA I CARITAS**

Sa ove dvije organizacije su tek uspostavljeni preliminarni konkati.

Neke od ovih organizacija su pri kraju svojih projekata pa se nije mogla očekivati neka značajnija pomoć. Međutim, sve one u budućim projektima imaju planove za konkretnu saradnju i pomoć Zadružnom savezu Federacije BiH kao i zadrugama.

## **SAJMOVI**

Zadružni savez Federacije BiH je imao štand na sajmu jabuke u Goraždu. Neke zadruge su izlagale svoje artikle, a druge svoj propagadni materijal. Sajam je prošao zapaženo za šta smo dobili i konkretne pohvale.U planu je da i na nekim budućim sajmovima Zadružni savez Federacije BiH bude prisutan.

## **SARADNJA SA ZADRUGAMA**

U ovom periodu je bilo dosta obilazaka zadruga. Na terenu je dogovoreno daljna saradnja Saveza i zadruga. Najveći problemi u zadrugama su u vezi sa zadružnom imovinom. Savez će se u narednom periodu posebno angažovati na rješavanju ovog problema. Takođe su uočeni problemi vezani za PDV kao i otežan pristup povoljnim kreditnim sredstvima. Konstatovana je slaba povezanost i saradnja među zadrugama. U narednom periodu u saradnji sa organima upravljanja, državnim i međunarodnim organizacijama pokušat ćemo da riješimo ove probleme.

## **ZADRUŽNA REVIZIJA**

U ovom periodu je urađeno oko 40-ak revizija. Što se tiče revizija Savez nije zadovoljan dinamikom provođenja revizija. U narednom periodu pokušat ćemo uradi što više revizija. Za provođenje plana revizija očekujem pomoć od Upravnog odbora i zadruga.

U svom radu Savez je imao i poteškoća . Posebno se to odnosi na nelikvidnost koja je proistekla iz neredovnog plaćanja članarine. Mada ima i izuzetaka, većina članica neredovno ili nikako ne plaća članarinu. Postoji načelno obećanje od mnogih zadruga da će u narednom periodu početi plaćati članarinu.

Nameće se opći zaključak , da su organi Saveza i uposleni u Savezu uspjeli, i pored mnogih poteškoća, poboljšati rad i uspješno sprovesti poslovnu politiku Saveza.

V.D. PREDsjedNIK

---

/Esed Muhić/